

臺灣外記

上海古籍出版社

古本小說集成

《古本小說集成》編委會編

臺灣外記

下

〔清〕呂良弼撰

上海古籍出版社

臺灣外記目錄

第一卷

江夏侯驚夢保山

顏廷齊敗謀以本

第二卷

蔡善繼出海招安

盧鏡央陸鵝被獲

第三卷

杜舊鎮芝龍就撫

戰赤湖劉香殞命

第四卷

登煤山明祚攸終

定燕都我朝一統

第五卷

唐監國

假使

南京盡節

第六卷

肇慶村桂王儲位

曾厝輦施郎逃生

第七卷

困漳州金礪解圍

逃舟山魯王入海

第八卷

國軒合謀歸鄭藩

甘輝用火破仙遊

第九卷

獻海澄黃梧歸誠

義同嶺格商設斬

第七卷

成功敗績于江南

甘輝死節于崇明

第十一卷

何斌獻策取臺灣

黃和密疏遷五省

第十二卷

入緬甸桂王受辱

閔祖訓成功歸天

第十三卷

周全斌金廈大戰

陳永華東寧建國

第十四卷

施提督兩疏進剿

王世樞遺疏開界

第十五卷

時尚書入闕等

黃總督拒上

第十六卷

下漳州啓泰

通海上三藩俱舉

第十七卷

黃芳度畏迫詐降

耿精忠見敗修好

第十八卷

援南邦之信遇敵

破清漳吳淑獻城

第十九卷

平福省范公死節

戰龍江許耀逃竄

第二十卷

敗七府國太執法

入潮州進忠歸正

第二十一卷

劉國軒大鬧江東

段應舉被困海澄

第二十二卷

國軒率衆圍泉城

啓聖只題復遼界

第二十三卷

盛天府京壘監國

坂尾寨吳淑喪身

第二十四卷

劉國軒單騎救主

陳永華墮計辭權

第二十五卷

范爲增弒克璽

改聖保通請施項

第二十六卷

施提督連疏議勦

姚部院遣使再撫

第二十七卷

克璽信讒斂百姓

藍理負傷攻澎湖

第二十八卷

江勝邱輝雙盡節

國軒其驥赴臺灣

第二十九卷

武勝力勸納款

寧靜王一門殉烈

第三十卷

施降軍臣國慶司

大清

丁

三才圖會

目錄

四庫全書

目錄

臺灣外記卷之十四

施提督兩題進剿

王巡撫遺疏開界

康熙六年丁未

十四年十一月

正月有河南人孔元章在京候補

陳情願往臺灣招撫立功奉

旨准其馳驛

閩與藩院商配招撫五月元章至福建航船

過臺傳宣

朝廷德意招撫經厚待元章以臺灣遠在海外非中國版圖
先王在日亦只差薙髮二字若照朝鮮事例則可元章回水
師提督施琅憤甚疏曰

爲邊患宜靖逆賊難容謹陳蕩平機宜以效忠款以奠永

安事竊照鄭賊負嵎海上久阻聲教致干剿討遁竄臺灣
絕島特險負固雖戢翼斂跡而蜂蠆有毒沿邊將爲不軌
堂堂

天朝萬國賓服豈容餘灰以滋蔓患日下

朝廷廣開鴻仁遣官招徠德至寬大茲總兵孔元章招撫回
歸只稱有的確公議臣密詢押船官林元勲渡載孔元章
往臺灣探賊中情形未必歸誠實意使果傾心向化則海
靖邊寧無庸計論今使命兩次到彼並無的當僞官同
來輸誠惟聽口傳豈可憑信倘復頑梗如故似難中止臣
荷

恩深重與賊仇不共戴視此逆賊超能無扼腕雖躬履險阻身歷波濤亦必滅此朝食伏思賊黨盤踞於臺灣沃野千里糧食匪缺上通日本下達呂宋廣南等處火藥軍器之需布帛服用之物貿易備具兼彼處林木叢深堪於採造舟楫以致窮島一隅有煩南顧爲今之計順則撫之逆則剿之若恣其生聚教訓是養癰爲患且此時經制船隻尙堪遠駕過洋舵稍現有可選遞之數年船隻久壞再造則損內帑之金舵稍緩散召募安得憤洋之人萬一蠢動實費驅除以臣愚見不如乘便進取以杜積患夫興師所難在於招兵措餉製器造船今欲大舉所不庸計慮者洵

省水師官兵共一萬有奇經制陸師及投誠閒曠官兵爲數不少皆爲防海而多設也就水師中選撥精銳者可得六七千海澄公臣黃梧標下慣海並壯練者可擇選二千有奇乘投誠尙未撥散內多有慣海舵梢及精銳者可選擇數千此數若未敷足用就與陸師中酌選湊共二萬便可爲勁旅兵在精不在多也閩省全轄大小戈船共二百隻選撥一百七十隻小快船一百隻選撥七十隻其餘畱爲防汛及載糧糈傳報往來軍情之用應再造大水艍船十餘隻以充前鋒另造渡馬船二十餘隻便於配載計此新造三十餘隻之船爲費不多其經制大小戈船現在題

請例應大修伏乞

勅部給此應修銀兩發付修葺不用溢額增加舟楫業已堅
牢將豫備之兵糧船器充東征之戰勝攻取無煩徵召不
事蕩費戮力討平海甸永清誠長便之舉也惟是航海遠
征後先抵岸各兵湊集非親征訓練臨時難以信恃兵額
既定分撥八千爲水在船以接戰一萬二千爲陸登岸以
進取臣將此二萬之師分爲水陸躬督操練加之數月將
得兵心兵知將意方可渡海遠征至於選任將領疇堪前
矛疇堪後勁必其經歷戰功身先士卒夙有成效者乃堪
委任臣於閩中經制及投誠將領稔知有素另俟

命下之日會議選撥定數具冊報

聞臣矢志報國敢遺餘力第思任維艱而責綦重伏乞

皇上賜臣稍以便宜得於軍中申嚴號令庶膚功克奏當密
勅督撫提諸臣會商妥確催督修造戰船修足糧餉選設官
兵付臣整練完備相機進取居者行者各盡其力則動出
萬全前次東征兩阻風濤之險逆賊雖未撲滅人謀亦未
允臧投誠官兵眷口多在彼處親附人心參差未一鳩烏
合之衆以事覓海之表其未至誤公者誠賴

國家之福臣奏有成命勉進擊楫固逆知其難也今臣思選
撥將士修葺船隻操練習熟紀律嚴明成算在胸故敢獻

勝而動蓋澎湖爲臺灣四達之咽喉外衛之藩屏先取澎湖勝勢已居其半是役也當剿撫並用舟師進發若據澎湖以扼其吭大兵壓近賊膽必寒遣員先宣

朝廷德意如大憝勢窮革心歸命抑黨羽離叛望風趨附則善爲渡過安插可不勞而定倘執迷不悟甘自殄絕乃提師進發次第攻克端可一鼓收全局矣但遠征外島風信靡常當假以歲月不可限以定期臣整備舟師枕戈待時或急據以掩襲或慎重以制勝奏捷遲速雖難豫定然滿腔血誠一日未滅臣一日未安籌度時勢定當掃餘氣而拯黎元義不可以賊遺

君父且數年以來沿邊江浙閩粵多設水陸官兵錢糧動輒倍增皆爲殘孽未靖之故如臺灣一平防兵亦可裁減地方益廣稅賦可望民生得寧邊疆永安誠一時之勞萬世之逸也若以臣言可採伏乞

皇上勅部議覆施行十月孔元章至京復命以其無定局而中止十一月十六日施瑯請剿疏上

康熙七年戊申

附稱永曆二十二年

正月初十日奉

旨渡海進剿臺灣逆賊關係重大不便遙定著施瑯作速來京面行奏明所見以便定奪茲弔鄭鳴駿鄭纘緒全斌何義等入京分陳輝黃廷楊富陳蟒場來嘉等於各省屯田